



文肅公圭峯羅先生文集卷十九

南城羅玘景鳴著

誌銘

明故中奉大夫廣西右布政使拙菴伍先
生墓誌銘

湖廣右布政使安福伍朝信卜正德癸酉十二
月日葬其父廣西布政使拙菴先生于墓田
山之原壬申春走僮持編修嚴君狀一函以抵
留都乞其友人吏部右侍郎羅玘銘且戒僮弗

得銘毋歸予方治北 考行篋其函弗及發去
途而疾乃入請得 請歸卧圭峯下僮復來索
銘函亡矣僮歸復以函來發函考之先生辛未
四月十七日歿距其謝事凡十有四年其遷廣
西也取道歸省其父封刑部君刑部君喪之又
喪繼母劉宜人因遂割絕宦情曰吾老矣不願
仕也乃極意烟霞泉石間有司賓射了不與其
迹時朝信亦自浙江叅政進雲南右布政使會
遭誣就辨于浙而誣者以逆敗昭雪歸比改今

官先生亦已屬疾不起壽七十五伍氏自性中
者起安成有以兵全州里功生洪以春秋舉進
士丞臨清縣洪生述經述經生冕知樂清縣贈
監察御史冕生體祥封刑部員外郎取劉氏實
生先生先生諱希淵字孟賢季父御史驥有識
監以子希閔世春秋學曰希淵可頡頏之俾與
同師一日師款門告曰吾非二子師請辭兄弟
師友果如師言先生剋之又于鄉舉癸未試禮
部以棘院火改又六月彭文憲公尸其事公用

春秋指南天下擢爲第四經義梓行者公餘每
竄一字明賜彭教榜進士出身授刑部四川司
主事未幾部論博野大獄滯久當決推任往者
尚書其以伍主事銜歸果稱一日大臣用與言
以按察僉事薦吏部以格沮遷員外郎陝西司
郎中決南畿大辟囚錄浙江繫囚平反釋殊死
者二百人又以大理寺丞薦者不果刑部每歲
獄上例遣中貴人臨讞之囚有入關節者尚書
而下默惟所向垂得免死先生立前如山樹論

情法相當陰斥中貴人御之卒中之出同知廣
州府府前後苦徭山寇啗噬如糜粥承檄與按
察使陶魯分捕魯素健吏徭寇憚之號曰陶鷹
後論功與魯埒勾稽軍務陳便宜二十策御史
爲下郡行之民相歌舞其政曰廣無伍不成府
誼譁成謠王者是公擢知府事事旣得自出其
手亦務展布其心力所任屬邑山海異宜市野
異俗商農異業蠻蛋異居魚塩粟葦異產野有
聯離便合之矯偏就平之鎮囂以靜防變周備

大約因法制情不主故常要其終歸各爲之所
府用平康迄今有不可改者遇獄訟則無多言
辯立解伏而去故械繫稀濶公庭閒然乃蒞學
宮進諸生講說經史刻鄉先生遺文置郡齋爲
之的廣之士踵相躡爲達官文人基此廣部歲
舉能吏恒爲第一一月間吏部連擬雲南按察
使湖浙叅政不報弘治九年考九載王端毅公
爲吏部擬登薦之廣之巡撫以廣人皆安其教
令請奪以還廣東左叅政乙卯擢廣西右布政

使終左布政蓋有不盡其用者民咸悲之先生
配劉氏封宜人子六符朝信也成化丁未進士
予與爲同年同爲庶吉士歷曹郡省長貳比世
官次籌蚤世次簡入粟爲郎次篆籀簾女三孫
五全舉正德戊辰進士授刑部主事次仝會合
令伍氏入國朝臨清君舉進士者七人舉于
鄉者九人內外臺司在所聲稱至先生父子益
大有聞宗緒若將長發焉先生性敏達直諒貌
如其初事至處分不假思惟皆中標的然微果

於自遂不顧前後守廣淹時部使類忘之其朝
有送以詩者一字之嫌櫛而歸之予繫目也居
家以孝謹聞撫三弟之孤婚嫁如其時官之俸
入匿以爲刑部君賓祭宗姻賻祔問遺費亦惠
及鄰之孤嫠父母學士大夫謫嶺南者恃以爲
歸有不忘者俎豆之以爲報廣人士告洎滄下
不遠百里致水土物晝夜不能絕于門古之循
吏其幾焉卽銘曰匪主立異與 幸嬰不奪內
貨維獄斯平匪主揚已榆聲越區夜無留務維
民其舒匪主潛伏乞未艾身不役於物克全厥
真有先啓行有後繼武魚貫蟬聯傳譽寰宇吁
嗟先生自我作古

樂善先生墓誌銘

弘治元年十月九日東阿樂善先生劉君歿子
吏部主事約拜官之夕走計適至捧以泣袒括
奔喪孔棘以上聞故稽其行得訊國史諏以
某月某日食葬兆用歸居其柩于縣苦山之先
塋樂平程楷正之狀其行以俾南城羅玘銘故

事銘必誌其世系功謚年爵于爲後考先生諱
觀字子瀾隱士也無謚鄉人迹其實號曰樂善
先生輸粟得階承事郎世東阿曾祖郁祖思明
父臨晉教諭璉母吳氏配蘇氏子男五人長曰
紆次日純紉綺縮女六人三旣嫁二在室孫男
二女二皆服衰視空先生於臨晉爲冢嗣臨晉
兩登太學先生始侍後於其歸也迎於家臨晉
視家籍倍蓰驚曰兒乃爾強人意得以不憂終
四弟寬信敏緝調劑翁和姓姓向進而昌黎丞

亨崇儒有官祿人皆曰先生成之弟亦曰吾兄
也正統戊辰伏濟溢虎窟壞張秋隄張秋天下
潛津也重足待寒竟浩漫罔措手先生時署醫
學入白計所司竟用其計泝舟虎窟之麓投薪
木三往返比塞隄成噤不言天順丁丑齊饑米
商射利價騰踊先生亦船粟往糶下其估至爲
黠丐所掠卒不較而反徧飼群丐人或以癡目
之微笑曰然戊子又饑有 詔官出粟賑貸者
先生出粟應 詔猶胥索門戶無厭難其檄方

伯袁公杖笥授今階東海張弼世方珍其書有
東阿劉卽好義之句旌其義也辛卯 德府以
親藩出殿于齊大臣便宜出官塩以濟用而清
河簿獨乾沒扳援主出納爲姦強先生爲所由
需厚賕不能得厚誣之關節糾結如亂絲紛不
可白先生欣欣廢產以償齊人無少長咸覺其
冤壬辰殍尸載途購募徧座猶男女異坎高其
封纍纍今猶可見者平生過於友愛仲弟好醜
一旦誤傷脇弟驚怖奔逸不知所爲先生神色

自若無一語誰何弟得自定如初蒞僮僕莊而
溫篋楚未嘗及其膚亦不假以辭色人有所貸
不意其必償察其終難償者陰折其券嘗爲子
壻費不給宋麟者納若干緡恠之曰償前所負
也其于學不于章句于大義嘗讀宋史至岳武
穆傳閉目不視久之從弟獲鹿司訓幹質之邑
黃司訓黃曰噫吾鄉老人猶裂編擲之地幹曰
可怒在檜編也何尤因持論不相下主事從傍
徐曰家君之惜在武穆此老之怒在賊檜論遂

平。子謂惜出於愛，怒出於義。先生仁勝，故愛發耳。始從先人居苦山，徙學宮傍，又徙狼溪，又徙苦山之東。今墓在其陰焉。主事同余舉丁未進士，援恩推進士祿。祿先生于家幾二年，俾慙遺食數，新其榮，與行均將不止。此嗚呼！此主事之悲，以丐余銘也。銘曰：黔守廬，用蠱譽，未受社食，以子不有躬。漕之通，匱厥橐，野無骼，不責連人樂輸。允若茲昌，其嗣百世有懷。尚曰樂善先生，於是乎在。

草亭逸人墓誌銘

草亭逸人吳氏崇仁人也。居白馬嶺下，比晚縛草爲亭，託以老焉。年六十三，正德三年十一月十八日卒。仲子學生鎬，季子訓科錫，視屬纊，孟子監察御史鉞奉命理軍事于浙，越明年正月始克聞計，哭哭哀擗踊，疲憊股毀，幾特不絕。乃晨夜乘傳反，命畢奔歸，迂道白下，以誌銘委諸理。理曰：子來予嘗誰銘？誰嘗曰：予能銘人乎？雖然，不得曰嘗誰銘人，而遂不銘而翁也。而

翁用薦起官序班先予在館者八年已衰然老成能導予升降陞卑別識掖闈觀闕名額指目班行誰某隆殺疏數其所宜施予德之間以為言輒蹙頰曰吾先南城也且今相距幾何哉而乃自為異邪居既久備見大老皆耆年勩勤諸

藩國 冊制外大蠻夷 詔命將帥行師

璽書除拜封章代言檢就則以下之看詳彭文憲公每呼曰吳序班以為何如對曰得則公曰以是頒出或覆視之曰吳序班手書乎欣欣領

之而已修 文華大訓宋元資治通鑑公必引

以自助及修 憲宗實錄丘文莊公喜得之日

引之與語如公引者錄成遷翰林院典籍喜謂

玘曰天順初嘗有官此者舞其柄以窘府部幕

司至不能一朝居府部羣公出怨言懲是顧用

頽墮者至今若尸寄然事遂弛今吾酌厥中存

體要耳既而幕司果群聚驚語慮罹當譴咸以

為憂居數月覺無苦又咸以為喜 文淵閣藏

書數萬卷標目亦數帙或問之矢口縷縷如注

先是館寮一人假考訂私丐史冊擬竄易其先
世之穢未成覺之乃赧銜至骨則設譎間于炎
炎者曰典籍尙鑰在其手恣取已好入其室左
右希合左驗之乃乘在 告諷吏部貶爲義烏
主簿而丐史者遂栩栩快其志鉞泣曰不知也
玘又曰弘治初致 郊齊羣屬咸集院予二人
入夜語于輿時張宮保言事忤仇黜南部語次
及而寃之不虞張仇遍置偵偵白仇仇怒適起
大獄意置二人予幸脫而而翁亦乃困至是今

已矣鉞遂拜且泣玘亦泣鉞出狀發之與考其
世得諱庭桂曰吾父曾祖也來自南城者也得
諱曰昇曰吾父祖也贈順天治中者也得諱衡
與 氏曰吾父父母也自治中至山東叅議而
封宜人也先諱氏繼趙氏曰吾母也而趙則吾
錢鎬錫所自出也鎬生浩再生演吾父孫纔二
人也又拜且泣曰惟諾銘吾決以歲十月 日
塋 原嗚呼逸人名攷字景賢與其六書古近
體詩天下人能知之其所自立亦可曰天下人

錢

知之乎其身則仕而其性則逸也。否則惡止于
是哉而亦惡取斯困哉。古士有易名如曰逸人
庶幾來世有考。銘曰。吾惡乎悲逸人乎人之
大賢與誰不已與而誰則爲之所人之不賢與
無乎其自取而誰非已忤其命也與噫夫如是
而能不失其故吾又奚悲之而銘其墓。

蘭雪居士墓誌銘

蘭雪居士宜興沈氏諱曦字

家縣之黃瀆

瀆濱震澤澤旁近地衍沃可立以毛者疇以稼

者瀕以漁者子故入沈之二三故其子弟雖總

卯不能無分釐務居士於子序屬孟而仲暉叔

曄皆學學宮祖妣徐夫人名能家而好陰別後

昆勤惰昏明得居士所釐務治喜召子尋婦崔

居士父母也謂曰吾爲若喜有子矣沈其興乎

長果大封殖瀆歲久衡磷量利至日不勝輸貸

者之應值時歲歉則常坐餓者旁室中且籍且

糜而負橐以歸者又屬于途久而縣亦以其醜

於義奏承事卽以官之其墅遊所歷淖道圯

九甫

橋經目者無寧須臾成之咸自帑出其心汲汲於利人然義鋒凜凜善剗剔人紛結人帖帖抑首去處人所宜依違割截成敗兩岐可配著蔡自敵以下畏有諛行入其耳甚於褻裸撻于獄故一時標榜品日日吾縣有白衣能吏在自少喜讀書不求甚解而析義顧播擢入筋骨嘗泛舟入湘楚間碇于涯將召僧馭大事事於晝寢寐中得心痛叫號驚起追占之曰夫心身之君也身譬則家也易家人之彖曰家人有嚴君焉

茲而震剝于內厥徵安在其尊者當之乎急起碇犯晨夜歸至則果然人又以為孝感年七十三以正德二年十一月二十四日卒配陳氏子誠謹訥謨孫政孜效敷敦啟魯孫松女四人嫁吳儼臧志明楊據楊文調始黃瀆之沈來自吳興至代州同知茂生 贈右副都御史榮榮生贈右副都御史彝彝生居士兄弟五人南京工部右侍郎暉光祿署丞擘弟之仕者 衛指揮僉事誠太僕寺主簿謹則子之仕者而壻之仕

者翰林侍讀學士儼也、內外軒裳寂容、衰服哭
侍匱側盛矣、葬得卒之明年十二月二十日

在大潮之麓、先是吳文定公傳文穆公所記
西林真宅繭室者、謹來乞玘銘、且曰是維先君
之作也、是維先君之所婆娑偃仰也、笑曰樂哉
藏乎而夕忘返馬者、二紀于茲矣、玘曰然乎噫
達生若是哉、是可銘也已、銘曰、身有不試而
視其家若淵、受汪生有不諱而視其身若蟬、就
蛻家以胤延身、恃名存於千百年、視此銘文

樵隱先生羅君墓誌銘

君諱富字宗弼先字宗禮石岡樵隱其號也與
予同出豫章徙廬陵廬陵徙泰和武溪再世曰
義可徙蜀江生世賢世賢生貴祥貴祥生德源
德源 國初布衣論事謫遼東赤籍中老得歸
是生公器君父也籍移南京公器當補以妻劉
氏子宗謚暨君隨僑居上新河君時方晬已而
弟宗敬生公器素挾易教閭里知名至則帥特
爲易伍俾仍儒故得便自教于家而君始弗已

爲文章奪人眼目宗謚舉應天高等文鋟爲式
君亦入爲學生宗敬乘其後森出人萃日矚羅
氏宗謚死宗敬無有與室者公器大戚慟傷憊
體疴弗支舉事屬君君示若無難者以爲順適
果婚宗敬慙公器公器垂絕喜曰吾侍而而死
已矣宗敬繼死母亦傷而癱兄弟妻之嫠者二
兄女之孤者一姊之贅者一蜀江之鰥孀日就
食母卧床褥危君取諸戶門舊之日需者與
新之日益者角斟豐約厨具筐實竈婢舁夫不

絕肩手然節縮以度內無狼籍外無宿負盡晷
而止宵則炳燭講誦琅然孤嫠欣欣閨閣晏然
毋喜癱去人以爲孝感所致凡四舉輒蹶母且
沒喪之力乃憊因削去前銳不復言乃爲督學
戴莊簡公所強重傷公心爲一出復蹶公諷校
官弛條約縻君君百方求去會中風暈始得告
公猶劄府以病可復若不繹君者及可公已去
乃已自以爲天貫我日吾以付吾後之人時子
鳳學將就緒故云遂顏堂及號曰自守日關門

內問禮者疑然如師質曲直者居然如官不辭
吉之諸宦部院達尊皆迭與過逢常據上賓位
若樹、猴、然、不、移、故、司、空、蕭、公、雖、素、寡、合、亦、崇、君
一、人、金、陵、古、都、隈、隙、處、宿、廟、覲、家、旦、蒸、吹、喧、晃
以、銜、衆、聞、君、過、悉、闔、扉、屏、息、居、左、有、蕭、公、祠、他
日、過、之、神、來、馮、巫、巫、猝、神、語、稱、君、正、人、遍、命、禱
者、禮、君、君、遇、休、燕、居、圭、植、儼、然、自、牖、窺、者、以、爲
神、人、其、逸、度、高、調、空、人、甚、性、復、善、飲、每、酣、或、仰
月、長、嘯、誦、出、師、表、赤、壁、賦、李、杜、詩、以、見、意、爲、百

文、瞋、目、沈、思、至、微、領、瞠、目、則、信、紙、迅、揮、而、就、剋
時、已、爲、西、蜀、李、宗、伯、所、竒、然、不、自、什、襲、藏、于、家
者、僅、自、守、齋、一、集、鳳、以、進、士、推、蕭、一、迎、君、養、周
翠、渠、蕭、鉅、工、也、以、得、君、爲、晚、託、石、岡、樵、隱、爲、內
交、焉、子、男、四、孟、鳳、今、試、監、察、御、史、叔、鶴、有、志、古
學、仲、鳳、季、鵬、蚤、夭、女、一、贅、高、价、均、劉、出、也、孫、男
二、曰、相、曰、材、孫、女、二、曰、蕙、卿、曰、葛、卿、正、德、二、年
五、月、十、四、日、卒、于、鳳、卹、春、秋、七、十、劉、先、君、沒、塋
江、寧、縣、賈、家、山、鳳、與、鶴、將、以、十、二、月、十、五、日、奉

合藏焉鳳著狀泣來丐銘始鳳應進士來京師
君且夕懸憶予文壽之而鳳乃他屬歸大咈卽
命匿其檢於乎予尚忍辭銘也哉君居左右彌
泔皆予里人言君爲人以父事仲父公立食其
子孫二世挈族父永良四歲之孤自蜀江名且
植立之視公立之世於妻之家始終經紀之厚
葬其父拱所翁同日舉其四喪土中蕭貴貸錢
至老不能償耳以女償立灼券罵貴如罵隸人
歸女俾贅曰母汚我母汚我少與樓浩梁信相
友善成化中疫流信家殺人勢轉熾戚屬斂跡
竄避門無扃者獨日三四往爲漑除薰灼旬日
手斂七棺瘞諸野浩老而獨召館之九年朝夕
與對食死時家且疫屍橫豎闕中獨爲之終事
嫁其孤女方十歲者竒行焯然在人耳目古陳
郭之流與是應銘銘曰以多垂翅而沮其騫
栖木得顛有窺區寰變局屢遷弋何篡焉人也
弗諒可磨斯言

萃軒居士墓誌銘

安成湯村劉氏漢姓也自長沙定王子思侯侯
安成卽湯沐之至不侯入編籍中亦仍所居村
曰湯村而典物多存類能出圭角以自殊別其
析布旁近爲支族皆綴湯村景泰中忠愍公以
節顯萃軒居士布衣也銳志貫合羣支遠能系
之而知其墓生能名之而識其系族之人皆曰
是劉氏行譜也與公同有功湯村者予少識公
孫寧鄉知縣絢省闈中比仕又因絢識刑部主
事祥予慕公甚每訊之得悉公又因公得居士

行厨

馬寧鄉嘗曰吾宗遠者數十里近亦無慮十里
而墓強半在湯村每寒食祭僕馬充斥必於居
士乎館之極童弗所欲如往欣欣爲導指不以
老輟其始亦力學欲自表見多坎坷沮乃教其
子時瞻又沮繼以時表時章皆連沮益憤如遇
敵決戰弗卻至時望果舉進士官南京營繕主
事所居几閣星曆風角諸書出遇後進小生立
頃皆能陰處其終身間發一二雖名專門莫與
角中隣之崇晝日歛弄形聲甚久之闖入其

室呼之如呼人又如人處分之明日鄰來曰崇
去矣大要其軀癯古勝中又骯髒敢往諸陰幽
詭賊類自鑠然常持不校亦寢物之怨懟爲生
僅自給而樂爲人緩禍脫急往往副其求至自
寔乏則泊然安之嘯歌止于自適而間率至到
至今刑部日能誦之于人至有賞者焉享年七
十有八以正德二年八月二十三日卒卒之日
族之遠近與鄰嘗德之者率奔而泣比殮拊柩
盤躄至失聲者若營繕不獲視疾又不獲候續

息其容弗悲乎悲而不圖爲不朽不徒悲乎圖
不朽而弗之當世之不朽也者而顧以予銘予
果足不朽乎然不能拒爲之誌其行與其曾祖
祖容父節忠母彭氏妻王氏其子時瞻時表時
章時望凡四人孫男凡七人孫女箇秀一人其
葬以其月某日于原其字叢英其諱萼其於縣
官則大賓也而銘之銘曰 歛有多智以豐其
羸施沛有餘懲其不試以其子嗣亦醜其初其
在厥宗如剋有綏旒以綴之今其已矣克紹伊

誰維後之思

八十六翁任廷玉墓誌銘

正德元年二月二十日八十六翁任廷玉卒卒之前二日翁已寢疾絕舖歎餘四十日予往候猶力支振頽吭勦呷莫辯子頂婦許二耳切聽傳云其丐公榮之以銘予兩館翁與游廿年其何辭乃諾復頷頂耳語曰吾死不朽矣至是日高春命頂濡筆爲書若道家步虛聲者凡十四字道家者說翁生平所酷好也故以是終云翁

之先蒲人上世有自蒲徙應天者至子溫是爲翁曾大父子溫生復禮是爲翁大父復禮生翁父從遠從遠永樂中携四子徙順天籍宛平之南廂得南廂之東喜曰吾其種子孫于此遂居之翁諱璘於倫次爲仲出學入事日草童心母馬氏私謂從遠曰毋童仲也女任其棟諸比長果能相兄帥弟權子母居物至淮以南東轉吳會轉運交子罔不入鉤受券爲廉賈貲逐歲溢衍大有名徐揚間乃憤榮與士隔無能改於其

舊入貲官帑郎四人者歲時序拜旅飲弁擊鞞
袍粗若勳封者然裘馬器物則務以樸先羣子
弟故族雖居廛卒以不鈞外染聞居隨生事日
就闢且達衝也其非甚霾風霖潦旦入樽榼匪
餞伊迎爲僕帳朝紳至忘其非郵亭者莫則假
館求休蹄踵沓至外大諸侯特爲湯沐邑翁益
懼受詬乾沒爲嫌口噤不及公家事故簡牘籥
章慶贈品藻當世宗工亦間響應無爲疑留性
不察察爲物較弘治間群盜嘗夜入索翁翁匿

獲頂縛脅急會頂醉沉不知道所貯盜志办頂
額褫鞞去爲邏司所得蹤跡所由翁戒家衆毋
張空日家衆請故曰律盜行弗得得減死我無
所亡由我死不祥窶人多偵知携其子女立門
外佯爲窘迫不可生狀求售給直去度日月遠
乃偃僂覘伺售者不則悲啼拊摩手眼僞麻暈
僵卧撼翁翁不逆多立遣之暇時布殺價貿爲
衣木殺直市爲棺貯之時其隆寒或大疫酌施
之鄰以是鮮裸死者與裸塋者於乎翁其仁矣

哉配顏氏繼何氏孫長裸次說孫女長適田王
文次納錦衣指揮范氏聘曾孫女一頂十四月
某日塋十里河之先塋銘曰 生我屬我知幹
厥蠱主我知慎與處時虛知取時盈知予佚多
年所今息在墓

徐信夫墓誌銘

信夫姓徐氏名栢嘗爲岷南靖二縣大夫矣予
於屬則師也官之則已疏名之則已倨故於其
生也惟字之正德己巳三月乙巳年五十六卒

南靖

于官其子學生煥以其喪歸嘉定謀以某月某
日塋其原來乞銘予亦字而銘之而其曾祖剛
祖瓊父復母張氏配龐氏女 孫喬即備載

狀以來且日煥也至南靖不及吾父生訣者五
日痛痾每隙側聞胥皂泣于庭騶泣于廐士來
吊者亦泣日邇寇之薄吾境倏柵吾邑爲壘以
戍介冑吾民爲兵以待戰寇覘知遁去吾父吾
子吾田廬微吾宰誰賜之今天奪吾宰吾寧不
悲或又日吾世輸縣過山錢以脫箠楚幸今二

嗟

子也
中

暮無輪輸又將自是始吾是以泣又相與執紼
昇上道泣不忍去或舉橐則訝曰稿葉若是乎
又泣煥也哀遽申幸以是慰予曰子嘗侍官嗾
乎日然知泣政公勤德威並立之褒乎曰比考
功所以錄而嗾志志之也知學庸冠冕之餒乎
清風祠之錄乎嗾志之修乎曰舉吾父之所以
為嗾也語已自是泣不絕曰就縷縷語無越一
循吏耳可置此而他言乎昔吾祖歿吾父哭之
晝夜不絕聲涕盡而繼之以血及吾祖妣歿哭

有心

之亦然吾氏老若斯少若斯曰吾何能如鎮傍
有二梁舊木也圯輒水人以死吾父率先石之
至今人曰吾可以無水死矣思之至是泣曰吾
其何如煥也於是避嫌焉諱之如恐何又曰吾
父能以其詩當吳豪故其集曰隨意已登于吳
詩之壇然終其身不能一快志于春官能常惺
惺以警多足以支倉卒之變無媿乎警齋之號
如禦靖寇之類是也然不能使其身歸老于牖
下皆可悲也幸撮是以銘予曰諾銘曰志也

輒垂以沮才也方乘以施其乘也微而又數奇
以階之將尤誰而吾銘之孔悲

故知縣王君墓誌銘

君姓王氏臨川浯溪人處士思敬之曾孫教授
汝爲之孫監察御史常之子知海州顯之弟判
廣南府改寧波盛之兄初筮知興業縣以母憂
去改宜都縣在任凡十年去位居亦凡十年正
德三年十二月二十有四日年七十三卒孺人
楊氏先君五年卒子男淮府學生澹南太學生

女嫁金谿學生胡拱華孫男讓蚤卒解南太學
生孫女大玉小玉明珠澹在大學得計哭瀕奔
輟哭走予乞銘歸卜某年某月某日塋縣某原
以圖君不朽予少學臨川善君時御史君在院
黎宜人亦居燕邸海州初舉進士侍焉君與廣
南以名肄學法不當得侍學城府府距浯七十
里而君於家次當主田牧食其絮蹄踵走交道
僕僕然然猶自課課及廣南嚴毅甚遂連枝秀
發成化甲午江西榜揭聯名其上明年乙未黜

禮部茶太學結詩壇屹為天下士勅敵而輒試
 輒黜如乙未者五遂懲而志曰進士為吾治民
 耶吾治民也曳廣南入部掣銓簿部注通判當
 廣南注君知縣當與茶興茶徭僚地也至則
 請免漣租千石鑿敗山石以利輪道縣因通
 其有無故蕪為豐氓蠻便之比至宜都則稽廢
 墜民以縣南津不橋告考風俗得五世同居趙
 氏也問所疾苦甲曰荆之屯兵曰疆與吾田錯
 而侵方醜乙言如之丙丁言又如之君喜曰吾

知所以治宜矣於是橋南津 請旌趙氏復侵
 疆患日見割削去而便日增以六載考告曰吾
 疾作矣歸而海州最先歸繼廣南自寧波歸
 歸白叟歲時遊宴鴈行班如也人以為奇予癖
 習問天下吏治偶及二縣皆最君於乎於此可
 以觀君矣君諱昌字必懋東溪其號也銘曰玉
 則出匱屢格而鬻錦則在几再易而製而祖而
 父而兄而侍幽局重笏重簪孰謂非生

高平知縣柳君墓誌銘

弘治戊午八月某日高平知縣柳君卒明年何
南都闈王君以狀請予銘其墓曰君諱豸字廷
直開封睢州人曾祖某祖父真母馬氏也娶鄭
女鄭死繼黃繼劉子瀚孔昭江泗女孟德仲言
叔容季功孫男芳英女加一人焉其幼也以奇
童名總角舉于鄉登成化壬辰進士出知襄垣
貶丞岐山再貶會川衛知事復知高平以母乞
終養至是幾十年年止五十墓在 某之原云
時予以歸亟不果銘癸亥予至 闕王君申前

請益急曰吾嗣子金書壻仲言矧吾少同里開
且同學也最知君君在襄垣未一載會蒲州守
去御史薦君遷補之 命旣下襄垣民詣 闕
請留 先皇帝重違其意 詔君仍留襄垣提
學沈公重律以德政碑之未幾一召入臺爲仇
家所中且入乃以貶去在岐山爲撫巡所知薦
知咸陽以不附中貴人之在鎮者又遠貶會川
會川者西南夷徼也君忻然挺身萬里往比近
地居旣久瘴與夷習無能爲苦會 今皇帝改

元 恩復高平踰二載念屯遭坎坷雖隱忍度
終不利于仕母日就老力請歸歸終日幃下飭
養事事已惟歌詩以遣有謫蜀錄和唐音慙菴
稿以見志曰慙菴乃自號世謂漫不省事爲慙
云余曰世卒爲了了成人性本故多事以擾而
仕尤害大世患少慙者耳君果慙乎吾其追銘
之暴于墓上曰有往斯譽有譽斯舉有舉斯沮
舉不勝沮是以齟齬削落既屢與魑魅處復其
處所退則無忤天地逆旅惟名不腐

義官王君墓誌銘

今天下大較聚十氏居必有王氏其古受姓多
也京師固多王氏東上角王其先錢塘人也

太宗定都燕徙天下諸豪實之王在徙中曰某
實自錢塘來者某生某某生鉞鉞生祚字永錫
乃君也君之上世惟守錢塘之貲無墮無崇景
泰中君始嗣主族時京師新罹虜變四方商賈
莫遂進市不集善貨善貨邠至已售以爲遲幸
得脫去不甚計估直君廉賈皆五之歷天順天

下日就平至成化凡二紀晏然兵革不用則已
歲走數十舸出淮江吳越諸州舸網一人受厚
直以次計力能上下備之循環迭至輦輓晝夜
屬于門皆諸南方奇物而麴以釀繒以衣魚鹽
以食尤多切人日用者故京師語雄貲必曰江
氏次王氏王氏謂君也君嘆曰吾何以是名邪
乃賂醫集善方燻煮煎熬百藥粉液以爲膏傳
紙上遇有貧病不能自致醫者輒施與之凶肆
棺槨常豫入緡買之以埃死于溝中道路者餓

夫群然操瓢延頸于門日益不厭四方僕輸庫
藏或給大官牲蔬果實遇有漂于水劫于陸給
于無賴者常子母貸于人而留其官符以爲質
君不欲故立異姑同俗然實不主其必償故人
有急樂趨君君二弟祐皆奇士克成君美祐子
永清衛指揮僉事瑛尤孝事諸父得其驩心蓋
君雖在豐裕而奉身極樸素朝夕食數豆蔬而
媼賓進匕筯則象犀璫瑁珠貝爛然在几不爲
嗇態貴游之豪疏陶樗蒲聲色狗馬充斥閭里

而惟投壺歌詩焚香淪茗務習野意以爲清故
其子弟之不見異物而遷焉嗚呼君爲人亦偉
矣君嘗入粟實邊故冠服得比貴人然實非其
心之所存人皆知之也弘治乙卯四月巳卯以
疾卒年六十子男二瑾孺人劉氏生珣側室黃
氏生卜五月某日葬都城南三里何韓家窆之
先塋君疾時度必死泣謂祐曰吾寄於世而不
能自華爾吾哀而丐羅太史銘吾墓是爾吾華
也吾不死矣吾聞楊諫議與素善諫議吾媼也
敢以是累及是諫議遂來予不能拒也銘曰
能以昌其家而不屑屑于歛拏衆汨汨以奢固
囿其輒而不入于邪歿能知以自華使百世有
聞抑又何嗟

太學生李顯忠墓誌銘

昔先大夫之喪予奔過淮撫淮中丞李公出下
舟吊蓋卒助輓舟速予奔予感之公卒其子世
蕃以太學生見予京師語移日及當世可指切
事卽如籍筴繁幾無須臾寧處至古人英風義

烈又若曠風鞭霆、亟欲追以從事、爲快予笑曰、是復見公也、念公守青治最天下、隱德多、此其發也、乎遇學諸生談生、必曰生高蹈遠志人也、其在秋試、衆必擊而讓曰、是其先登、然比收士、輒遺生生、亦慙慙掉手去、歸杭、遇時感觸、不覺、印鼻噎息、歔歔距踊、卽傳翮而飛者、聞人步履、聲適歛如、恒爲家生事治、卽不墮其學、學益贍、賙卹洽、不匱其藏、藏益實、嘗一往循銓之次、名已上會、母陳夫人之計、至儕輩類、頌內批出

乃發、則官人也、危生、生蟻、跌、訴、叱、已、而、袒、括、嗽、號、蹠、走、歸、不、顧、先、是、鄰、有、不、戒、于、火、者、公、之、綽、楔、燬、延、沿、燼、其、廬、予、適、道、杭、一、日、馳、三、驛、暝、薄、錢塘呼隸問生、隸曰、是竹竿巷、李生邪、今方除火所始、寃于所止、靡遺一礫、悉棟而瓦之矣、予悔失、踰觀之、及今、其仲士魁、以中丞張公狀至、泣曰、吾兄、今閏正月十二日、死矣、予悲愴久之、考狀、與予耳目所及、差合、獨公疾生、剗股和粥、食公、予不知也、於乎孝哉、遂次其年三十五正

德二年十一月某日塋龍井山之先兆、公父贈
青州府知府禎爲其祖、禎父紋中爲其曾祖、張
孺人爲其生之母、夏氏其妻、許氏其側室、而嬰
兒崑其子也、爲之誌、而舉其字曰太學生李顯
忠、銘之、銘曰、古非刳股、刳偶而斃、奇子之刳
刳可範、世世可多有、亦可壽之子、何弗然、天難
忱斯、

文肅公主圭峯羅先生文集卷十九終

文肅公主圭峯羅先生文集卷二十

南城羅玘景鳴著

誌銘

錦衣衛千戶安君墓誌銘

景奉初也、先未卽悔禍、南土弄兵之戎所在、蠱
起一二奔命之臣、乘時觀望、多其身圖、由是姦
伏于肘腋間、莫可撻拔、景皇帝赫然震怒、恐
有以戚我、上皇遂嚴偵探之柄、拔錦衣群校
置之東廠、使之入微、擣深、不以時達、時則有若

安君諱順字子和者尤傑然復出君汝之新蔡人幼侍其世父整于京整錦衣總旗也老以君代至是以才見使用事然其童年播遷東西浮寓以身薪水無隙以學而心獨恨且無悠遠從則惟遇僧梵于市亦梵瞽說于途亦說父乃口通佛書諸多傳竒野史後亦厭棄惟喜人讀書從旁聽之輒能成誦積至儒生所恒習者張口縷縷而出間能辯析義疑至史傳所紀卽斷曰此治朝也或矍然曰此政失當亂若真能了了

者其寔手眼漠如也性無鏃礪之鑿事必流其真誠心寡蓋覆不主嫌疑凡關涉政治大體卽貴幸勲戚麗于憲度不避苟曖昧非其辜雖

上意叵測必以身任之一時姦人飛竒反間嫁禍於人者皆見沮塞斂手避去坊市惡少年相語必曰毋嬰安順威寧伯王公爲御史時晨入闕吏給其家金器匿娼家不得公以語君吏聞君至股栗舉其橐伏辜扶風人趙才興從貴將父無功怨望誘妖僧以星烝煽人刑牲誓天

朝陽門空舍中約旦夕變有詔覘之同事二三
不卽發君曰厝火必焚焚而沃之晚也捕之得
其事狀并黨磔于市閱月蔚人吳伯通與其黨
余郭福亦謀踵才興之爲者亦皆墮于君手故
未暮連受賞自試戈戟司百戶至真百戶上
皇復辟奉迎 乘輿多見任使會 朝廷入
廷議以君九擒劇盜功最多授副千戶 先皇
帝卽位初妖人趙春陰部署僞將僞擬國號于
滄瀛間灤河竝邊謀誘虜入其盜曰王成玉曰

李端曰傳洞淵匿機誑脅民洶洶且走且惑君
以次擒之以獻進今官享榮三十餘年階武德
將軍封妻張氏宜人贈父齊如其官母程氏如
其妻皆是功也初君念職 禁近母老新蔡不
得朝夕侍迎之京竟食君祿以壽終躬歸其喪
合父窆人以爲孝仕不仕少有知者皆聞君名
尤爲內相劉文和公奇見於文馬弘治八年年
九十十二月十六日辛酉卒子賢蚤卒嗣副千
戶者也寧入粟爲郎視七品亦率奉以戰功官

錦衣百戶孫璩瑜璽瑁璿璽嗣賢官今爲百戶
女某宋通妻也明年正月十八日葬大興縣東
湖社豐臺村墓與張宜人合然宜人之窆已九
年矣其幽堂宜有銘來屬翰林編脩羅玘玘與
御史潘楷友楷妻通之女君之甥也楷言其世
與貫而已君之爲人有不待言者銘曰 執威
弗威 國威在斯炎石及玉而豈可爲蠹旣糞
木衆亦灼鑽毒其初生木乃得完是維安侯克
遇 三帝秘密爪牙耳目攸寄侯率其性暗與
道俱蹈是二美史有可書大都之郊此維高丘
有石誌幽是曰安侯

錦衣千戶張君墓誌銘

弘治十年六月二日壬申葬錦衣衛副千戶張
君于安定門外永安莊之塋君諱浩字養直和
之舍山其故居紳福鏞能周氏其曾祖祖父母
任氏其妻恩思其子蘭蕙其女四十有八其年
而五月十三日其卒日也是旦退 朝入衛坐
廳事方處分群校環侍見君目直視喉略略有聲

已而流沫如注布地上知惡候急昇之歸歸及
堂目已暝大夫士大驚徒步不及騎往哭者相
屬于道或叱其傳之者以君爲未死或謂君劄
憤觸事拂心死君嘗遣恩居學學進士業亦就
予學於是與游游久遂知君沉毅涵大畧善書
能歌詩與游者皆煒煒名士西班者武階也有
麤亢酗饗婪諂附貴勢者輒疾之若污穢然會
遇不揖揖或避之不與之坐或不與之語慷慨
方劄克自豎立不依倚有名聲多識博聞者卽

蒞屋布韋僕僕亟拜不辭亦時相其急窘以貲
爲緩其禍平生不蓄姬侍公退閉戶坐軒中小
蒼頭亦不得入人謂之張閉戶云而當官澁事
則迺張膽掀髯出觚露鋒威嚴如神立解糾紛
觸犯賈禍不顧嘗與予言己亥建州之戰夜半
突入虜營斬虜首血刃獻軍門辛丑與虜戰沙
嶺運稍俘馘勢如風飛予聞壯之冀州朝寨營
者降胡遺種屯焉賊屢其中巡徼吏士知不敢
近詔密以君往君自他境發兵約旦日會方

會老胡廼推胡姬負孩比比立墻外若將掣肘
 吾兵狀君命縛一二姬考之得賊所在麾兵射
 矢進圍登屋發瓦下取七賊送闕下蓋卒前
 之闕月也君自結髮即知名闕御史典學政時
 品藻明甚君為武學生獨奇君稠衆中荆庶人
 之獄戴尚書實便宜君在行亦才君坐與語曰
 奚謂武弁乃有是人乙卯計吏之來詔君提
 卒護以入黃御史自院出與事事者也既偕行
 數月大驚君之介約為兄弟以歸其為人重皆

此類君之母實阿保 崇藩于 太皇太后宮

崇既就封母隨而父百戶君留京君思母養
 父兩致其至比殛請之 崇迎喪歸葬而百戶

君適以老乞君代 先皇帝立授君副千戶雖

用母保 崇功然君兩戰邊陲已自小旗為總
 旗矣矧重以百戶典武銓者亦以功賞相副伏

上之明茲之卒也亦塵 太皇太后悲 賜

白金一鎰佐喪馬君子於是又知不獨人士之
 惜之也將葬恩黻面斬衰造予泣灑灑口吃無

羅文肅公集卷二十一
三百七
聲俯拜不能興予曰而來欲銘而父邪乃興再拜聽以請予亦哀不能辭銘也銘曰南岷京戎京府其東而西其宮奮以武功匪專保崇傷于副公暴殞其躬有樹其風亦曰令終

故南京守備司禮監太監傅公墓誌銘

正德六年春三月十日葬南京守備司禮監太監傅公于昭功祠之陰永寧寺之右曰昭功曰永寧皆上罷公賜額也初孝宗簡于肘腋得公來南付以番鑰公感知遇事麗兵民便宜

大以驛聞小以意制寢機拔萌化囂成寂泯厥聲迹時陰便之凡南畿歲欽讞獄則守臣則部院寺咸視公色可否公主其疑者咸厭衆心或至宣諸言公亦默然退自念曰奉若欽卹謂何吾何敢居累塵宸翰褒諭益怵惕永淵矻矻恒以弗任爲憂遂以疾請上憐公誠月有廩歲有役俞公休官一僧至左覺義爲永寧寺主以王公祀制下之日蠲及稅焉從子豪入粟爲郎傑千戶皆宜役公而公以是正月

廿五日疾劇卒春秋七十五矣而豪傑以豫遣
歸未視屬纊也公廣之順德人曾祖某祖義悌
父道達母何氏世名家也以選入掖庭肄內館
業有器幹 英宗擢奉御掌文書 憲宗擢紀
事奉御侍 悼恭位下轉 宮禁教書擢 春
宮局郎 孝宗弘治初進司禮監太監 賜蟒
衣玉帶祿米 憲宗茂陵 英宗懿妃金山二
功成繼 命選 永康大長公主昏褻賚皆有
加 上新即位 賜又如弘治初焉至于 欽

遣方嶽之臣祭公考妣盖異典也公性本儉樸
平居慢藏誨從者之度振衣誤羹翻之泥家衆
縮項蒲伏股掉掉公顧訝曰爾何爲第去意氣
晏如也鳴璫貴人熏德成就類隋德位皆父母
公至是哭亦如之且以聞于 上方 卹典
也而又來屬予銘公諱容字體仁號松齋銘曰
學之敷之以蓄厥施 龍飛則隨 宮月夜白
委裘之側鞠躬屏息夙興仗行東有啓明折旋
陛扃帷幄孔嚴傳宣日三有堂有廉維南有鑰

惟以休樂噫公不作

內官監太監白公墓誌銘

提督光祿寺內官監太監白公年五十一以正德元年五月六日卒于京師昭回坊之私第奉御李應長隨田雄以聞上震悼賜祭暨楮幣五十卹其喪命左少監鄭璽奉御王恭營墓域墓在城西香山之原塋以六月十二日兄鳳姪釗鋼銳鑄昇母宗自涿來會葬璽恭懋雄公所卯翼者也上知之故疾以懋雄侍喪以

璽恭治焉公疾自弘治癸亥移命入寺始寺

天庖也四方供入泉注壑然而市豪餌輿樞爲洩孔百出公至惟嗅葷薶無一啗啐而大施疏濬法勞甚操畚鍤者孔遂塞以是體浸厓蒸耗嗽血縷縷下臙復敗遺爲癭疔而母踰耆年刺骨在念迫益熾猶忍支一年明年乙丑四月遂以情請不許越五日復請會寺寮入疏留諭慰又不果許正德丙寅用登極恩賜蟒衣玉帶爲非望賞三月疾大作懇辭諭

如初疾至劇復疏懇 賜復監就湯藥部寺疏
公履行宜留任寺事公至以死懇得賜就外私
第果便終事方公未入寺也 岐王賢惠妃薨
于 國公承 命還其柩返往萬里館候輿阜
不知爲肘腋親臣過臨其地寺事之柄良以是
選公始爲內使營衛 聖恭僖夫人塚弘治辛
亥預修 太廟後殿進長隨畢工進奉御戊午
清寧宮災預鼎建功進今職監臨諸庫秋毫無
所近受知 先帝賜蟒衣 恩隆倚重日進一

日至再世而益耀公諱江祖慶父聚世居涿之
韓村公生有異質幼卽知學長離群褻出以事
君竭忠颺爲口實用是獲登 內以成其志非
偶然也壘恭德公如父而悲公遽爾隕棄丐銘
恭予教內館時生也其知所嚮往者銘曰憑厥
栖而爲梟爲鴟曰讒實禍基不如期期憑厥栖
而爲狐爲狸曰姦實危梯不如依依素介則匱
勇勤致羸折于里軹屈門左誰其命也夫銘以
哀之

御馬監左監丞字羅墓誌銘

弘治十年冬十一月 上將明年 郊凡郊

法駕以鹵簿從鹵簿馬萬駟太僕不與焉咸出于中廐之良御馬監是也監之官太監下少監少監下左右監丞夙戒虔恭訓飭奚斯箕以剉塵菽以火熬櫛鬣膏駿比物齊毛竊殫日夜或時辟易調騁鑿冰以濯以飲則多丞主之左監丞字羅以七十猶在事然卒以是撼頓得心胃疾氣壅逆膨腴隄塞口張呼呶徹晝夜從子成

錦衣百戶壽更迭入侍有以聞 太皇太后者

亟遣宮監來視且賜銀半錠市善藥然醫工烹粉和劑成壽捧以進歆輒嘔出或掉首不歡勢愈劇狂悖掠髮胡語壽驚曰是返本候也急以毳蒙身首擁出私宅闔扉張帟蘊火床下熨臍摩足達旦至二十五日屬續絕卜以十二月某日葬城西香山煤廠村之塋字羅西城涼州部人也正統丁巳甫八歲以其父平章哈刺苦出來內附留京師苦出死與母王老老選入 宮

備灑掃成化丁亥進長隨出理外廡乙未進奉
御甲辰進至御馬監左監丞乙巳遂至太監移
理北廡廡稱治 太皇太后時爲皇太后賜銀
五錠綺一帛一旌之 先皇帝亦如 太后之
賜而銀殺其二焉 今皇帝之初左遷復爲左
監丞宿衛六十有二年在職凡三十二年牝牡
驪黃駑騏汗血饑飼渴飲痒搔瘡療其生知
性能處得其據而死其官前老老之喪斬斬敬
用華禮知巧予銘今其葬也奚宜泯泯無聞况
壽哀哀誓必得余銘銘曰 雛離紇干翰飛戾
天天閣天閑居之盤盤鷓鷦之冠且毀且完老
而大還吁其安安

內供奉老老王氏墓誌銘

弘治六年夏四月十四日 內供奉王老老卒
于其子御馬監太監孛羅之私第孛羅以聞且
乞歸治喪事 詔許之孛羅哭之哀歛且殯用
華禮嘗所與往來者皆走位哭無不嘆訝其孝
且欲銘其幽堂之石以內官監太監羅公所爲

行狀來請按字羅西域河西涼州部人其先世嘗爲其部入貢 闕下心慕留焉不果歸語其家字羅父哈刺苦出尚幼也聞之心動及長存名位爲字重華言平章也凡與部大人相謀語及 中國必舉手南向膜拜示不敢犯意由是益不悅於其渠正統二年太監魯安將 命節制邊兵于甘誘徠備至哈刺苦出與妻卽老老也革襪字羅自其部潛來款軍門內附安爲驛聞因得隸戎籍京師然不習水土尋卒葬于都

城西香山鄉煤廠村之原時字羅甫八歲獨與母居二月選入 內供奉歷事 睿 景 純 三 皇帝及 聖慈仁壽太皇太后 皇太后 所以保翊 聖躬弼成 內教與有勞焉 今 皇帝之在 青宮也亦以老重之凡 廷掖號 內供奉之老曰老老云者美稱也以成化二十 一年請 許退休于私第 恩賜白金文綺無 筭字羅以勞序累遷至今官時告省在側春秋 八十有八可謂榮壽令終者也孫男二長曰成

羅文肅公集卷二十一
次日壽壽以戰功授錦衣衛後所百戶皆能相
字羅於生致其養於卒致其葬葬之五月二十
一日墓則合平章公哈刺苦出之舊也嗚呼其
可銘也已銘曰 永巷宵征五十霜星天閑誰
肩有力如虎執轡如組厥子孔武爲大長秋回
視氈輶始來毳裘今爲華人華土宜墳宜子宜
孫

封安人歐母余氏墓誌銘

安人諱某字某眉之青神余氏肅敏公女也公

獲事 睿 景 純 今四 皇帝歷四十年

官至太子太保少保兵部尚書功在社稷爲時
名臣事載諸史嗣子世臣今僉錦衣指揮事安
人出其先性與內則合公與夫人屬念之慎選
厥儀初筮在所必挈與俱得州之秀歐氏故臨
洮知府前江西按察副使鉦字時振監察御史
廉之子吏部員外郎銳之弟蚤以六書肄翰林
成化丙午與予同舉順天明年第進士授兵部
職方主事進員外郎中盡輸所得于公甥館之

教者沛然施之宦名日嶄嶄起諸儕類上爲今
少師太子太師兵部尚書馬公在部時所竒漢
中古梁州秦蜀襟喉也薦守之尋以九江控長
江重湖之漕北望中原險阨多睥睨爲東南要
津移薦爲江西按察副使鎮其地遂爲言者所
論奪守臨洮道眉以卒安人自同牢比屬纊非
齊江陵祀暨邊廵公出未嘗一日不與與居
中之登進家衆忽得順道遽而喜仰以覩無改
色終之料奪家衆忽墮逆境遽而戚仰以覩亦

無改色率如常生平莫窺其際及喪時振哀與
愷愷監往輿來閭里觀式孀眉能無困于貧用
成子望溟不荒于學終業國子女歸副都御史
吳公子舉人律已歸大學士楊公子惇蔚有

時望俾時振無遺憂當食歐廟世世矣世臣薄
違每暇念燕眉動隔年歲閔無相聞不忍割官
肉如異世不遠數千里迎與居以便其毳弘治
乙丑十一月二日年五十以疾歿歛遂飯舍一
出其力仁哉其迎之智哉其來也肅敏之數可

羅文肅公集卷二十一
考已世臣走望溟奉狀來乞予銘歸卜某月某
日祔于五峯原時振之塋於乎予終順天試也
暴風壞屋席濕僵予暈齒嗑嗑手弔莫握管窮
甚有夫從東呼來叱邏卒面雍樹予溫之久之
蘇乃握管終之不卽已矣且導出道名姓去識
時振始此今二紀矣時振已卽世予在告失銘
之悔莫追尚忍斬銘其妻也邪銘曰 子順閨
儲婦賢宦途母慈婺居考終幽都歸祔夫俱有
始有卒其在茲乎

封淑人廖母趙氏權厝誌銘

錦衣指揮使永定廖侯將權厝其妻封淑人趙
氏于金陵之南郊筮正德辛未十二月十八日
甲午吉卜公若卿孰銘之龜見兆曰魯何古洪
其嗚咽鍾老史氏吉廼前廿日率子鄉貢進士
鎧錦衣千戶鉞錦衣千戶銳拜而跽泣請曰鵬
妻諱惠果以鵬貴封淑人曾祖七祖文父瑜母
徐氏世淮人也瑜侍伯祖內官監太監琳居京
師而淑人從而毓之閨鵬亦以伯兄今南京守

羅文肅公集卷二十一
備御用監太監堂仲兄知司禮文書事御用監
左少監鑾御馬監太監暉叔弟尚衣監太監廣
季弟御馬監太監宣侍母王太淑人于宦邸而
二室相比爲厚善淑人幼極端重慧婉溫恭母
心選在不可回則以媪媒之聘而室鵬鵬自婚
而壺闕倏改峻嚴晝入則稀澗而優出膳飲飲
食朋儔鎮日講習選非霖潦淖沍則專藝于弧
矢稍槩間久而徠騰隼搏差謂僉人守備公將
命鎮中州時西域賈胡積種蔓延舊盤結土

中尾日大莫掉則以嫗醫童幼流食民間夜公
剽掠公曰鵬爾勝提戈邪鵬遂往往馘數魁禽
縱不需刃功迺用成茲官贈先君昭勇將軍錦
衣指揮使太淑人亦封焉太淑人喜曰兒有茲
婦則然益飭諸媵熏婦德致裏言無出鏡蚤夜
磨淬期說母心得儁河南鉞銳磬控縱送日是
亦藝非臬廬踴踴比母或無戚用是迺皆成助
勲資門閥融融如也妻有力焉敢爲公誦之又
曰太寧侯陳儒鵬女許女馬淳澤孫也金姐孫

女也鎧進又泣曰吾母年四十三月二日歿
父比驚也不及訣歸悼誓必塋永定然寄厝黔
黔殊增衷悲父子其沐浴卜龜爲有知也兆公
實天賜公壽吾母于世公忍拒歟予塞移刻索
語弗得則諾銘銘曰 淮之萌燕則苗之汴之
榮吳則瘁之閩之歸根客則厝之夫子卜之史
氏銘之伊誰似之

贈淑人謝母墓誌銘

淑人諱貞姓陳氏吏部文選主事諱良之女都

察院右副都御史謝公之妻大理寺評事廷柱
之母今贈評事初考 恩也吏部世長樂大家
自其身又能飭新家範爲閩中冠故淑人得以
充其殊質爲閩女士每遇訂昏之族雖時顯盛
吏部輒拒免有欲嗾媒入議者媒輒搖手作難
避去及笄有試議謝氏喜曰吾壻也家人疑之
曰吾必是女貴凡子碌碌徒亂人意何爲及歸
謝謝有積歲卧疾母媪淑人於世次祖姑也憊
極昏眊而爵爲燥烈侍問少拂逆則推櫬器物

此言動墻屋諸婦縮匿他處則獨以身當扶腋
欠伸抑搔痾癢手滌中冓厠牖獨衾篋枕時七
筋進飲食能順適得其懽心垂盡獨呼與訣曰
古云唐夫人孝不意復出吾門若所以爲祝者
公自戶部知建昌建昌爲閩北門實孔道而近
嘗迎父封君暨陳恭人至而府適多虞又時受
檄辯他府獄出輒涉旬月不及時侍乃悔迎嘆
呻自尤淑人曰何苦乃爾吾顧駑庸非婦邪吾
養若養也公乃安居歲餘別歸泣且贊曰孝婦

孝婦尤善成公美屢脫簪佩倒私篋于未貴時
致無急貸於人居官得一意通躍往行其志在

蜀行院有屬帥時公出行大賂入爲關節立命
僕楊其賂物于官以杜後公實大人不逆人欺
美言來嘗一傾耳聽納爲恒嘗偶值過屏後聞
之驚立待公入問曰何爲姦人所賣公旣骯髒
自信掉首呵不聽後果然公悔始賞其職鑑公
兄弟四人志終其生共食有寡妹亦招以老食
口日益佐以俸入且匱淑人身自節縮爲倡曳

長履短常使無見綻裂傷公酒醯鷄腊具按故
法而酌以新意人效之不如也公三男八女淑
人生評事及女賓容完官凡五人男廷棐廷最
女賓宏寰信六人皆庶出廷最則學生也鄒棖
高均李詢黃謀陳文試陳廷相高策陳璋凡八
壻謀策璋學生陳文試則監察御史也本寬本
忠本曆孫男凡三人桂京莊銓蒞孫女凡五人
曾孫男勗一人也淑人於所出與非其所出其
所自出與非其所自出其已貴與其所未貴一

無差殊厚薄意於評事則教勝於愛焉內外宗
之孤嫠與婢僕之孱弱者則多恩之勝故公每
語諸人以爲惟其能人亦咸敬讓曰惟其能公
卒之某年爲弘治十七年五月二十一日年七
十有九卒計至評事爲位于寓舍哭玃往吊哭
評事舍杖輟哭拜曰廷柱歸以某月某日葬吾
毋于雞籠山先公之兆而恐無銘吾母乎玃少
從公學銘奚辭銘曰 父奇其女姑感其婦夫
賢其妻子德其母誰其集茲於人間世再世食

封以齒受祉矧有令終歸從乎公吉其後之逢

李母謝夫人墓誌銘

夫人姓謝氏諱春贛之興國人隱君克敬之女
朝列大夫知開州道道之妻頃珩儒生寵鴻邑
秀朝之母也大夫未貴時得夫人繼其何夫人
之室何之出也充羽賓三子矣夫人如自巳出
子之童有教孩有嬉其在襁褓也有乳哺及長
而冠冠而婚珩躡其序寵鴻朝繼之側室高出
盛又繼之服食惟一所異者貌耳人識夫人有

側室
考

七子也卒莫定其爲誰氏之甥大夫初筮得開
州州畿輔地土木之變民物蕭條夫人居州第
躬織繰操井臼與婢媵同苦樂不以貴怠輿阜
有縣鶉菜色者皆軫而賜食與衣大夫大興州
學捕蝗閔雨招徠流亡每考爲比州最擢從四
品夫人所以勗勉尚不變其初民獻遺尺帛斗
粟不敢入其第大夫去開日民至留鞞立碑以
志其遺愛夫人其亦有助矣乎旣歸貲不足市
田宅而購書界子猶若有餘者成化丙午八月

當大比珩朝方集省下以其月二十五日終年六十六於時大夫之卒十三年矣而壙已別營距里餘以何先合塚不宜再耐然同於縣東柳嶺南北也側室陳後大夫七年歿大夫憐其不育脫立孤塚又恐爲他氏鬼命先葬其右以待可謂仁也辛亥六月二十八日珩率弟將啓以窆時視窆者合男七人鴻早卒不與也女懷聰珍重凡二人孫振掖扶攄擁撥揆揆探捍據擢拯接擬合凡十五人孫女良秀榮回羅恩婉崇其善鳳鸞貞月合凡十四人曾孫男銓鐔銑鈺等合凡七人曾孫女其合凡四人而內外屬多不可勝數哭聲闕野縣人以爲盛珩之志亦欲有爲於時以繩武趾美輝煌登聞其所生而卒困躓如此居旣僻寂無名爲文辭者爲揚其潛聞都下方蔚然甚屬意也得計偕來闖然入吾室以銘請銘曰 不必自巳惟其夫之子烏求其庶惟其夫之娶嗟若而人爲婦爲母茲歸于此山之趾白石齒齒

戴主事妻胡宜人墓誌銘

弘治七年夏六月二十四日予騎過長安之西街街東西交北出戶是爲戴天錫之宅予惟不能遠睇然遙見人旁午織其中狀少近聞有呼號聲予不能忍立騎麾隸人問狀隸奔出致其舍兒語云吾主母以今卯卽凶吾主人翁泣仆地方召匠治棺斂飭飯含具總總予方幸天錫之有贊助而又惜其罹此釁也明日入弔天錫抱嬰兒汪然流涕立棺側語予曰吾妻無宿

疾頃春咳作而熱發腹癥結如有物梗之者夜卧必裸其手醫云此胎氣壅而熱逆也不可下宜疏其氣而導其血閱月咳盛而熱蒸騰騰掌若握燒鐵錐不可忍醫猶執前診不變至晝夜咳咯痰遂泉湧日易醫醫輒庸前醫然實皆庸卒不效至此其命也夫又曰胡吾妻姓也某吾妻名也懷寧吾妻鄉也處士瓚處士剛孺人王吾妻之祖若父若母也鄉進士鳳吾妻之弟也未歸吾時其淑行之在胡媠媠言于吾母太宜

人以致于吾父主事君所以必屬于吾者甚備
吾不欲言之自其入吾室而吾母愛之如已生
竈婢私竊語曰乃今見精殮鄰姬得分遺歸語
其家曰乃今見巧製吾之入 闕也實挾以行
於今爲七年吾丑而興糜漿之飲吾腹寅而出
終酉而入吾腹復然吾弛然而卧矣吾不憂于
內而得專意于外以畢吾公誰使之吾不欲覆
吾妻使不聞也子若吾哀而與以銘以歸祔于
先塋馬鞍山之原則將不恨其爲女人與不相
吾以終矣天錫安慶潛山人尚書祠部主事宜
人之貴蓋其貴也子一人嬰兒安陵女二人年
三十幾銘曰 維寧有胡其生邪維潛有戴其
歸邪維京有邸其客苑邪維馬鞍有高丘其反
塋于斯邪

惲進士妻蕭氏墓誌銘

弘治十六年十一月十二日進士惲巍妻蕭氏
諱愛卒于京師之邸舍明年四月巍得例 請
因以其喪歸塋常州府武進縣某山之原某月

某日抱男一人、汴弟女一人、玉秀視寔將發、京師憤泣曰：巍必使後世知有吾妻愛名，不然巍負愛也。卽爲書述其曾祖某祖某父，被毋趙氏被起、胄監知東莞，又知藍山，晚乃得愛愛之。故以愛名，所以愛愛教愛出常故，愛知書閑禮，爲蕭女魁，暨十五歸惲惲，方屯遄遭舅喪，災連縣，不可以家徙江巷，田廬廬且再燬，不能輒廬，至葺茅溝塋，上居者移時安若高屋，與室無病色，惟務資遣，巍入學宮，贄師營學，乙卯獲領薦書。

上春官遭繼姑陳氏喪，能以禮襄其事，份份多難中，尤總衆律，下節調其服食，惟適以俟巍歸，惲又覺將革前之杳杳者，辛酉冬力主相巍，北行巍莫能奪，值其臘倍寒，舟冰車雪，砭傷脛疾，入膜特甚，壬戌巍登第，釋褐甫四日，果索席卧，日益憤憤然，猶屈強支吾，模汴弟入懷，不置家人奪止之，卽復然，延至是與巍訣，訣已卒，年三十，其訣語孔哀，不忍聞，亦不忍述也。書成偕同年庶吉士貴溪畢汝舟入吾室，泣且拜曰：夫人

死命也、死于客亦命也、其無庸悲、獨悲夫吾妻
以宦室息女入衰門、支衰且難、而且俾衰垂有
可觀、固不必及享、且不逮見、可哀已、惟能圖其
不朽、庶幾塞吾哀、將惟銘是託、汝舟亦曰、是其
度謀審深、將不可變、終不得讓、乃爲銘曰、娟娟
柔質、辭順卽逆、而不顛、蹟有志、有畫密、其有節
如棟、斯碣在百、獲一以天、殯客蒼蒼、靡詰祈壽
幽石

封太安人趙母葉氏墓誌銘

弘治十一年戊午十二月 先皇帝覃 恩區
內群臣均得封且贈其所生戶部郎中晉江趙
瑞母葉氏封太安人時瑞爲主事從官封也瑞
進員外郎中太安人年八十甲子十一月一日
卒于家瑞奉 命入東粵擬便省乙丑十月底
姑蘇遇計慟絕例必畢 命事慟畢事必反
命 闕下不獲歸襄事又慟比反 命因以狀
丐予銘謀以正德元年某月某日祔諸秀峯先
生主事之塋予許銘始懌慶母茲其後有聞晉

江之葉徙自光之固始來居焉至子明積以遠
故遂與光絕純爲閩人子明生康康生府學生
陽陽生安人及笄歸趙氏贈戶部主事森之妻
生乾瑤璫瑞璋璘男子六人女子二人孫偉偃
佐饒惚信侃佑俸九人曾孫某一人佐饒惚信踵
瑞學偃陰陽訓術也胤昌宗興日就勃勃壽考
令終爲邦之望弗可尚已始安人入趙時屬舅
歿遺季二子五女若梳絕緦有委地勢主事弱
冠續家統百身勤晝夜弗給其餐穿七折面后
髮卷啞啾馳逐一屬安人干內調虞靡不均靖
姆傳冠笄聘娶嫁媵隨俗較力俾有家室無後
其時主事致孝友稱繫之諸子學主事槩鞭之
急安人不悅曰夫人若器然用之非宜徒速其
敝瑞也其庶乎乃授以春秋俾學主事以疾卒
三年以縗縞承事且悲且營輸公儲私禮周惠
浹人驟臨之不覺其爲孀室成化丙午瑞舉省
闈丁未黜南宮歸乃立瑞諭餘百言要以忘得
喪齊寵辱樹本志大爲歸瑞用服行至庚戌果

上第而茲宦聲琅然階日有待人云亦本諸安人可銘也銘曰舅之遺雛稚屬夫夫之遺戶門百需莫歎厥初後沛有餘有韡命服有穹高年維德斯食要終則然

故平章哈刺公配王老老合壙記

正統二年春正月河西涼州部平章哈刺公若出以其族來奔西邊監軍中使魯安與邊帥議合乃驛至京師請留籍軍食聽惟是蕃漢水土不相和始至必疾疾已無他哈刺公竟以疾

不起葬京城西香山煤廠村之原時妻王老老尚未入宮也以一遠人婦孀居撫八歲之孤孛羅卽能脫去故習俾讀書華言教詔一以華風未幾以賢聞選入供奉稱旨字羅亦備灑掃尋至掌閤闈遷職內廡以勞序累擢少監至太監老老以勞能亦受今名內稱老於事者曰老老或曰年之老者故云母子歷事睿景

純三 皇帝今 聖慈仁壽太皇太后 皇

太后皆謂老老羈旅族孤質本無援扁鍵啓閉

一任不疑法中貴無外宅宇羅以母老不任

宮事盡以 賞資私錢營第一區于 東華門

側既成當成化二十一年疏請 聽老老歸休

賜金文綺爲佚老費越六年年八十八卒是

爲弘治六年夏四月十四日也宇羅請歸治喪

三日哭輟哭拄杖疏立進二姪謂成曰往視吾

父壙謂壽曰爾官人也往詎太人五月二十一

日吾欲奉吾母合吾父塋也皆來會曰善遂如

期昇柩啓壙卽事仍辟去壤之黏膩者甃石之

泐磐者大施新功封溝門垣題表就式其位與

力得爲也又曰吾世爲穹廬長先長老賞貢

天朝歸嘆曰天不假吾華土寄一足邪吾父幼

卽解意比長有名位志益決稍驅其畜牧南徙

部人益疑屢摸索偵伺不得及是乃大樂雖未

一奏勞裨醜萬一亦命也已尚幸吾母子依

清光竊 寵渥猶蛩螽之么麼得附砌入床視

諸叢灌草根之啾唧以伏以死者亦幸矣壽錦

衣百戶與錦衣潘百戶杰爲寮杰舊游於予宇

羅授是語於杰俾導壽來拜且乞記爲之銘納
于壙尚恐徂遠日就於無所表著圖託於不朽
惟文字又乞不已乃爲記其壙噫其三世役志
用夏至是有成真可俾以不朽遠人其亦有汲

也



